

որ ընկաւ 772 թուի կուռում: Այս հաշուով Սահլ՝ ծնուած ոչ ուշ քան 772 տարին, գառամեալ 80 ամեայ ծերուկ պիտի լինէր 852 թուին իր գերութեան ժամանակ — ինչ որ անհնարին չէ, բայց քիչ հաւանական:

Աղուանից պատմագիրը Սահլին անուանում է Եռանշահիկ: Այսպէս է նա կոչուած հին բնիկ իշխանական տունը, որ Կողբից եւ եթ տիրում էր երկրին մինչեւ վեցերորդ դարի վերջերը, երբ երեւան եկաւ նոր՝ Միհրական կոչուած, պարսիկ տոհմը եւ աեւեց մինչեւ իններորդ դարի սկիզբները:

Կարծել որ Սահլը Եռանշահիկ էր այն մտքով, որ պատկանում էր երկու դար յառաջ հանգած տան, բաւարար հիմք չկայ: Փաստն այն է որ Սահլ Միհրական տոհմից չէր, իսկ եթէ պատմիչն ուզում է նրա մէջ տեսնել հին արեան նոր ընծիւղ, տեղական հայրենասիրութեան թելադրանքն է քան լուրջ պատմական տեսութիւն:

Սահլ Սմբատեան եկուոր աշխարհակալ է Աղուանից աշխարհում, ի՞նչ մերձաւոր պայմաններում, յայտնի չէ: Իններորդ դարում առաւելապէս Բագրատունի իշխանական մեծ եւ զօրեղ տոհմն էր, որ աշխարհակալական ձրգտումներ ունէր եւ կարողութիւն: Անհաւանական չէ որ Սահլը եւս Բագրատունեաց շառաւիղներից լինէր:

Իններորդ դարի սկզբում Սահլի հետ միաժամանակ պատմական ասպարէզի վրայ երեւում է Սիւնեաց աշխարհում նոր իշխանական տուն յանձին Վասակի:

Ո՞վ է այս Վասակը: Արդեօք հին իշխանական տոհմն է, որ մէկուկէս դար լուրթիւնից յետոյ վերակենդանանում է: Վերջին իշխանը Գրիգոր Սիւնին էր, որ Մուշեղ Մամիկոնեանի հետ ընկերայաւ Ատրպատականի Ռոստոմ զօրավարին՝ ճակատելու ընդդէմ արաբներին Կաղեսիայի հռչակաւոր մարտում 636 թուին: Այնուհետեւ ոչինչ չէ լուում Սիւնեաց իշխանների մասին: Ութերորդ դարի խուռովալից պատմութեան մէջ նրանք չեն յիշատակուած: Եւ յանկարծ անյայտութիւն վարագոյրի ետեւից երևում է Վասակ Սիւնի իններորդ դարի սկզբում, եւ նրա գաւակները հաստատուում են ոչ միայն Սիւնիքում, այլ եւ Ար-

ցախում: Միեւնոյն ժամանակ Սահակ անուն իշխանը գրաւում է Գեղարքունիք «բռնագրասութեամբ», ինչպէս ասում է պատմագիրը:

Ի՞նչ կապ կայ Սահակի եւ Վասակի մէջ, որոշ չէ: Օրբելեան հաւատացնում է, որ Սահակը Վասակի որդին է: Հները՝ (Յովհ. Կաթողիկոս եւ Մովս. Կաղանկատուացին) Սահակի գիծը անուանում են Հայկազունի, որով ուզում են ասել, որ Սահակը սերում էր Հայկեան Գեղամից:

Սիւնեցիք յայտնի էին հնում անջատական սրամազրութեամբ, մինչդեռ նոր իշխանական տունը՝ լինի Վասակի թէ մանաւանդ Սահակի գիծը, սերտ յարելութիւն է ցոյց տալիս Բագրատունեաց քաղաքականութեան:

Նորէն կասկած է ծագում, արդեօք Սիւսական նոր տոհմը արեանից չէ Բագրատունիներին: Միակ հարուստ եւ բազմածին ցեղը, որ փարթամ ծառի նման ոստեր էր արձակում իր շուրջը, Բագրատունիք էին: Մնաստանի չէ, եթէ մի ոտ էլ հասած լինէր Սիւնիք, ինչպէս թեւտկոխել էր աեւլի հետու Աղուանք:

Բիւզանդական սահմանների վրայ հաստատուած էին Մսակերի եղբայրը Շապուհ Սպերում եւ Մսակերի հօրեղբոր սերունդը՝ Աշոտ Կիւրապաղատ Կղարջքում: Շապուհ ընկաւ, ինչպէս տեսանք, Սեւաղայի դէմ կռուելիս 824 թուին, թողնելով իշխանութիւնը իր Աշոտ որդուն: Սրա որդին էր Շապուհ Բագրատունի պատմագիրը: Հաւանական է, որ առաջին Շապուհը, Մսակերի եղբայրը այն Շապուհ Բագրատունին է, որի պատուէրով Աեւոնդ երէց գրել է իր պատմութիւնը:

Շապուհի դրացին էր իր հօրեղբոր որդի (եւ ոչ թոռն, ինչպէս Վարդանի մօտ է) Աշոտ, որ Աեւոն հայ կայսրից (813-820) կիւրապաղատութեան պատիւ էր ստացել: Սրա հայրը Վասակ=Ատրներսեսն էր, որ Բագրեւանդի խոռվութեան ժամանակ քաշուել էր Տայք եւ Կղարջք: Նրա որդին Աշոտ կարողացաւ ընդարձակել իր իշխանութիւնը եւ «տիրեաց ի Կղարջաց մինչեւ ի Տիսիս լեռնակողմամբ հանգերձ» (Վարդան, էջ 78): Աշոտ փորձեց իր հօր եղբորորդիներին՝ Մսակերին եւ Շապուհին օգնել ընդդէմ Զահապի, երբ սա Դուինը գրաւել էր: